

He Ngohe Aromatawai ā-Roto Mo ngā mahi whakamahere anake

Te Ingoa o te Ngohe: Ngā tukanga hangarau taketake

Aronga: Hangarau 1.2A

Paerewa Paetae: Hangarau 1.2

Kaupae: 1

Whiwhinga: 4

He Tohutohu mā te Ākonga

I tēnei ngohe

Ka tūhuratia ngā āhuatanga o tētahi tukanga hangarau nāu anō i whiriwhiri, i tautohu.

Te horopaki

Ko tāu mahi he tautohu i tētahi tukanga hangarau ka whāia ki te whakaputa hangarau taketake, me te tūhura i ōna āhuatanga. Me whakaatu ō mahi tautohu, tūhura hoki mā roto mai i tētahi o ngā putanga e rārangi mai nei (whiriwhiria tētahi):

1. He whakakitenga momotu, he whakakitenga matihiko rānei
2. He whakairoiro pārongo
3. He hoahoa rerenga
4. He pūrongo (ā-tuhi/ā-tā/ā-ataata rānei)

Ka aromatawaingia ngā mōhiohio kua kohikohia e whakamārama ana i te tukanga hangarau kua tautohua, kua tūhuratia hoki.

Ka pai tēnei ngohe mā te ākonga takitahi, mā te tokorua rānei. Mēnā ka mahi takirua, me āta whakarite e kōrua ngā kawenga a tēnā, a tēnā.

Hei mahi

1. Tūhuratia tētahi tukanga hangarau. E rua ngā ara tautohu ka taea:
 - a. Māu, mā kōrua rānei, e kōwhiri tētahi tukanga hangarau, mā te rangahau.

2. Whakatauhia ngā pātai ārahi. Koinei ētahi hei tauira, heoi anō me nui ake i ēnei:
 - a. He aha te hangarau taketake?
 - b. He aha te 'tukanga hangarau'?
 - c. He aha ngā āhuatanga e kīia ai tētahi mea he tukanga hangarau?
 - d. He aha ētahi tukanga i whāia e ō tātou tīpuna?
 - e. He aha ngā āhuatanga e mau tonu ana i ā tātou tukanga hangarau i ēnei rā nei?
3. Torohia ngā puna mōhiohio. Hei tauira: ngā uiui, ngā pukapuka, ngā paetukutuku; ngā tuhinga nūpepa, maheni rānei; ngā wānanga; ngā pakipūmeka; ngā kiriata.
4. Whakatakotoria tētahi whakamāramatanga o tēnei mea, te tukanga hangarau.
5. Tūhuratia te tukanga kua whiriwhiria, ā, whakamāramatia ōna wāhanga me ōna āhuatanga.
6. Whakaaturia ō hua rangahau mā roto mai i tētahi o ngā putanga e rārangi mai nei (whiriwhiria tētahi):
 - a. He whakakitenga
 - b. He whakairoiro pārongo
 - c. He hoahoa rerenga
 - d. He pūrongo (ā-tuhi/ā-tā/ā-ataata rānei)
7. Whakakōnaetia ō kohikohinga katoa hei taunakitanga mō āu mahi.

Kei wareware, me āta whakarite e kōrua/koutou ko te kaiako te roa o te wā e tutuki pai ai ngā mahi katoa.

Kuputaka

whakakitenga momotu	unplugged presentation (without digital supports)
whakakitenga matihiko	digital presentation
whakairoiro pārongo	infographic
hoahoa rerenga	flow chart